

Տեղեկանք

<<Հայոց պատմություն>> առարկայի 6-9-րդ դասարանների չափորոշում և ծրագրում կատարված փոփոխությունների վերաբերյալ

Առարկայի գործող չափորոշիչը և ծրագիրը հաստատվել են 2008 թ-ին: Այդ ժամանակից սկսած ԿԱԻ-ի և նրա մասնաճյուղերի պատմության մասնագետների կողմից պարբերաբար իրականացվել են մշտադիտարկումներ Երևան քաղաքի և հանրապետության մարզերի մի շարք հանրակրթական դպրոցներում: Մշտադիտարկումներից հետո կազմակերպվել են քննարկումներ և սեմինարներ ուսուցիչների հետ պետական չափորոշիչի և առարկայի ծրագրային պահանջներին գործող ծրագրի և դասագրքերի համապատասխանության, դրանք ուսուցման գործընթացում արդյունավետ կիրառելու կարողությունների ու հմտությունների շուրջ:

Ուսումնասիրությունները ցույց տվեցին, որ ինչպես առարկայի չափորոշիչը, այնպես էլ ծրագիրը ունի լրամշակման և բեռնաթափման կարիք: Թեմաների զգալի մասը խիստ ծավալուն է, շարադրված է բարդ և խրթին լեզվով, չի համապատասխանում տվյալ խմբի սովորողների տարիքային, հոգեբանական և ֆիզիոլոգիական առանձնահատկություններին:

Ա. Չափորոշում կատարված փոփոխություններ

Չափորոշչային փոփոխությունները կատարվել են թեմաների բեռնաթափման և կրճատման, թեմաների միավորման և խոշորացման, ձևակերպումների կոնկրետացման և հստակեցման, անհարկի կրկնությունները վերացնելու, թեմաների ժամանակագրական և թեմատիկ խմբավորման սկզբունքներին համապատասխան:

Ստորև ներկայացնում ենք չափորոշիչում կատարված փոփոխությունները.

- 1) Գործող չափորոշիչը հստակեցվել է ըստ բաժինների և ըստ թեմաների:
- 2) Գործող չափորոշում որոշ թեմաների վերաբերյալ չկային սովորողների պատրաստվածությանը եռամսկարդակ պահանջներ. լրամշակված տարբերակում եռամսկարդակ պահանջները ընդգրկում են առարկայի բովանդակային միջուկի բոլոր թեմաները: Օրինակ՝ <<Քրիստոնեության ընդունումը որպես պետական կրոն>> թեման չի ունեցել գիտելիքների Բ, Գ մակարդակ, կարողությունների ու հմտությունների Ա մակարդակ և այլն:
- 3) Հստակեցվել է գիտելիքների և կարողությունների խառնաշփոթը՝ երբ գիտելիքը ներկայացվել է որպես կարողություն, հմտություն, իսկ կարողությունն ու հմտությունը՝ գիտելիք: Օրինակ՝ կարողանա ներկայացնել 1921 թ.-ի փետրվարյան ապստամբության պատճառները և այլն:
- 4) Ա մակարդակում տրված բարդ պահանջները պարզեցվել են կամ տեղափոխվել են երկրորդ ու երրորդ մակարդակ և ընդհակառակը: Օրինակ՝ տերմինների, հասկացությունների և գաղափարների բացատրությունը, որը ավելի բարձր մակարդակ է պահանջում, տեղափոխվել են Բ կամ Գ մակարդակներ:

5) Խմբագրվել են չափորոշչային որոշ ձևակերպումներ: Օրինակ՝ «գործակալությունների գործառույթների շրջանակը» վերաձևակերպվել է «գործակալությունների գործառույթները»:

Բ. Ծրագրում կատարված փոփոխություններ

Ծրագրային փոփոխությունները կատարվել են հետևյալ սկզբունքներով՝

- ա) թեմաների բեռնաթափում և կրճատում,
- բ) թեմաների միավորում և խոշորացում,
- գ) ձևակերպումների հստակեցում և պարզեցում,
- դ) անհարկի կրկնությունները վերացնելու
- ե) թեմաների ժամանակագրական և թեմատիկ խմբավորում:

Բեռնաթափման արդյունքում յուրաքանչյուր դասարանում տնտեսվել են դասաժամեր՝ 6 – թղ դասարանում՝ 3 ժամ, 7 – թղ դասարանում՝ 2 ժամ, 8 – թղում՝ 3 ժամ, 9 – թղում՝ 2 ժամ: Դրանք տրամադրվել են կրկնությանը և ամփոփմանը, ինչը հնարավորություն կտա առավել արդյունավետ կիրառել գնահատման նոր համակարգը, ուսուցանող և միավորային գնահատման տարբեր տեսակները:

Ստորև ներկայացնում ենք կատարված ծրագրային փոփոխություններն ըստ դասարանների.

6-րդ դասարան՝

1) «Նախնադարյան հասարակությունը Հայկական լեռնաշխարհում», «Հայ ժողովրդի կազմավորումը», «Հայկական լեռնաշխարհի պետական կազմավորումները Բ.ա III հազարամյակից մինչև Բ.ա I հազարամյակի սկզբները» թեմաները միավորվել են «Հայկական լեռնաշխարհը որպես մարդկության հնագույն բնօրրան: Հնագույն պետական կազմավորումները» թեմայի մեջ:

2) «Վանի թագավորությունը >> թեման բերվել է երկրորդ բաժնի սկիզբը, քանի որ Վանի թագավորությամբ է սկսվում Հայոց հին շրջանի պատմությունը: «Վանի թագավորության մշակույթը» միացվել է «Հին Հայաստանի մշակույթը» թեմայի հետ, որպեսզի Վանի թագավորության մշակույթը դիտվի հայկական մշակույթ: «Հայկազունի Երվանդականների թագավորությունը» թեմայից կրճատվել են «Հայ մարական հարաբերությունները, հայ-պարսկական ռազմական դաշինքը», «Հայկական հողերի միավորումը» ենթահարցերը, իսկ մյուսները միավորվել են «Հայաստանը և Աքեմենյանները» ենթահարցի մեջ:

3) «Մեծ Հայքի Արտաշեսյան թագավորությունը» թեմայում «Արտաշեսի բարենորոգումների նշանակությունը», «Մայրաքաղաքներ Արտաշատի և Տիգրանակերտի կառուցումը», «Լուկուլլոսի և Պոմպեոսի արշավանքները» խմբավորվել են մեկ ենթահարցի մեջ:

4) Պարզեցվել և բեռնաթափվել են «Մեծ Հայքի Արշակունյաց թագավորությունը», «Հին Հայաստանի հասարակական- տնտեսական կյանքը, պետական կարգը», «Հին Հայաստանի մշակույթը» թեմաները:

7-րդ դասարան՝

1) բարդության պատճառով կրճատվել են Բաժին 1-ի «Ավատատիրության հաստատումը Հայաստանում» և «Քրիստոնեության ընդունումը որպես պետական կրոն» թեմաները:

2) «Հայ մշակույթի ոսկեդարը» թեման միավորվել է «Հայկական մշակույթը 6-9-րդ դդ.-ում» թեմայի հետ և վերանվանվել է «Հայկական մշակույթը 5-9-րդ դդ.-ում»:

3) «Հայաստանը 6-7-րդ դդ.-ում», «Հայաստանը Արաբական խալիֆայության կազմում» թեմաները միավորվել են մեկ՝ «Հայաստանը 6-9-րդ դդ.-ում» թեմայի մեջ և զգալիորեն կրճատվել՝ ավելորդ մանրամասներից խուսափելու նպատակով:

4) Բաժին 3-ում միավորվել են «Հայաստանը 14-15-րդ դդ.-ում» թեման և «Քաղաքական իրադրությունը 16-րդ սկզբին >> ենթաթեման, իսկ թեման վերանվանվել է՝ «Հայաստանը 14-16-րդ դդ.-ում»: Նկատի ունենալով թեմայի բարդությունը՝ «Հայկական գաղթավայրերը» թեման տեղափոխվել է 8-րդ դասարան և միավորվել «Հայկական գաղթավայրերը մինչև 20-րդ դ.-ի սկիզբը» թեմայի հետ:

8-րդ դասարան՝

1) Առաջին բաժինը «Ազատագրական պայքարի նոր փուլը 17-րդ դ.-ի երկրորդ կեսին և 18-րդ դ.-ի առաջին կեսին» միավորվել է երկրորդ բաժնի հետ և ժամանակագրական առումով հասցվել է մինչև 19-րդ դարի կեսը:

2) «Հայկական մշակույթը 17-րդ դ.-ի երկրորդ կեսին և 18-րդ դ.-ում» թեման տեղափոխվում է երկրորդ բաժին և միացվել «Հայկական մշակույթը 19-րդ դ.-ի առաջին կեսին» թեմայի հետ և վերանվանվել «Հայկական մշակույթը 17-րդ դ.-ի երկրորդ կեսից մինչև 19-րդ դարի առաջին կեսը»՝ ավելորդ կրկնություններից խուսափելու և բեռնաթափելու նպատակով:

3) Բաժին երրորդի «Հայ ազատագրական պայքարի աշխուժացումը», «Հայ ազգային կուսակցությունների առաջացումը և գործունեությունը», «Հայդուկային շարժման առաջացումը և ծավալումը», «Արևմտահայերի կոտորածներն ու ինքնապաշտպանական մարտերը 90-ական թթ.-ին» թեմաները միավորվել են նոր՝ «Հայ ժողովրդի ազատագրական պայքարը 19-րդ դ.-ի 70-90-ական թթ.-ին» թեմայի մեջ՝ ավելորդ մանրամասնություններից խուսափելու նպատակով:

4) «Արևելյան Հայաստանը Ռուսաստանի կազմում», որին ավելացվել է «Արևմտյան Հայաստանը օսմանյան Թուրքիայի կազմում» ենթահարցը տեղափոխվել է նույն բաժնի «Ազգային, հասարակական-քաղաքական շարժումները» թեմայից հետո:

5) «Հայաստանը 20-րդ դ.-ի սկզբին» չորրորդ բաժինը վերաձևակերպվել է «Հայաստանը 20-րդ դ.-ի սկզբից մինչև 1918 թ.-ի մայիսը» բաժնի: Այդ վերաձևակերպումը հնարավորություն է տվել կրճատել «Հայ ժողովուրդը առաջին աշխարհամարտի տարիներին» և «Հայաստանը անկախության վերականգման ճանապարհին» առանձին բաժինները՝ էական բեռնաթափման և գործող պարբերացմանը համապատասխանեցնելու նպատակով:

9-րդ դասարան՝

1) Կրճատվել են Բաժին երկրորդի <<Հայաստանի Սոցիալիստական Խորհրդային Հանրապետությունը>>, <<Խորհրդային Հայաստանի տարածքների հիմնախնդիրները և արտաքին կապերը>>, <<Սոցիալ- տնտեսական և հասարակական-քաղաքական կյանքը Խորհրդային Հայաստանում 1922-1941 թթ.-ին>> թեմանյերը՝ փաստական գերբեռնված ծավալը կրճատելու նպատակով:

2) <<Հայկական սփյուռքը 1920 թ.-ից մինչև մեր օրերը>> բաժինը հանվել է, դրա փոխարեն կազմվել է երեք թեմա՝ <<Հայկական սփյուռքի ձևավորումը>>, <<Հայկական սփյուռքը հետպատերազմյան տարիներին>>, <<Հայկական սփյուռքը 1991 թ.-ից մինչև մեր օրերը>>, որոնք միավորվել են համապատասխան ժամանակաշրջանի թեմաների հետ նույն բաժնում՝ ուսուցման համաժամանակությունը, հայրենիքը և սփյուռքը մեկ միասնության մեջ տեսնելու և ավելորդ կրկնություններից խուսափելու նպատակով: